

EW NOMOPUNG

A PINEL SENI ARAMAS MEI KUKKUN SENI 18 IERIIIR FICHIN EKKWE SAKKUN KACHITO MEI
 PWARANO FOFFORUNGAWEN ARAMAS REN NISOOU ME INISIN ARAMAS MEI SENENO REN PEKIN SOPAI;
 A PWAN APOCHOKUNA KAPACHETAAN ESINESIN NGENI ARAMAS REN EKKWE SAKKUN KACHITO WOON
 ASAMEN IMWEN KACHITO, ME PWAN REN EKKOCH POPUN.

EPWE PUNG ME REN EWE TRUK DISTRICT LEGISLATURE PWE:

Tetten 1. Ekkesiwinin. Itenap 27 me non ewe Truk District Code, iei a ek-
 kesiwini ren an epwene pwan kapacheta ei ew Sopun:

"Sopun 9.

Fichin Kachito Fan Iten Chok Monumuk.

Tetten:

201. Popun
202. Kachito ren Monumuk
203. Kapachetaan Sasingin
204. Tipisin

Tetten 201. Popun. Popunapen ei Sopun, ren an epwe tumunu
 aramasen Chuuk seni ekkewe kachito rese mwochen katon pokiten mei
 fakkun ngaw ren masowan mei pwarano napanapen me pwomwan nisoou me
 pwan sakkun napanapangawan mwaan me fefin non, epwe pwan tumunu
 an semirit resap pwan tongeni kuna ekkei sakkun kachito mei ngaw.

Tetten 202. Kachito ren Monumuk.

(1) Kachito ren Monumuk. Kachito ren fan iten Monumuk a
 wewengeni, me non ei Sopun, ekkewe sakkun kachito mei koon
 pwarano mettochun me napanapen nisoou ren mwaan me fefin,
 ika kinikinin won inisin aramas.

(a) Fan asengesin ei Sopun, napanapan me pwomwen
 nisoou ika fofforungawen mwaan me fefin a wewengeni ek-
 kei:

- (i) Urumwoteei faan mesen aramas (tengin mwaan me
 niwitin fefin) ren an epwe wor kinamween nisoou;
- (ii) Angangen amwaangi, iri, mwacheeni, nisoou, ika
 sakkun nisoou non napanap ese pung ren fefin
 me fefin, mwaan me mwaan, ika fen aramas me maan.

(iii) Akkatapa ika urumwoteei faan mesan emon, ika kinikinin faan mesan aramas, me oupwun fefin;


(b) Ren fan asengesin ei Tetten, kinikinin woon inisin aramas a wewengeni:


- (i) Faan mesan aramas mei chok pwaano, esemwo koon oppwonuno, ren tengin mwaan me niwitin fefin, kinikinin me awenewenen faan mesan aramas, epitiwen nuuken aramas, me episukun, koukuwen ika nikinongun aramas; me
- (ii) Faan mesan mwaan me tengin nupwen fansoun an pochokun ika manaw inamwo ika mei mwonono ika appwonuno non tukutukun.

Tetten 203. Kapachetaan Sasingin. Esap wor emon choon fich kachito epwe tongeni fichi ekkewe sakkun kachito ren fan iten monumuk nge ese akkomwen pacheta sasingin noun we kachitoun monumuk, ika porausen noun we kachito non kapasen Merika me kapasen Chuuk, epwe pacheta pen asamen ewe Imwen Kachito ika non ekkewe nenien kapacheta chassin kachito, epwe affatatiw pwe ewe kachito ren fan asengesin chok monumuk, nge esap tongeni wor mei kukkun seni 18 ierin epwe mumu ngeni an epwe katon.


Tetten 204. Tipisin Ataai Pungun Annuk. Ioon choon fich kachito e ataai pungun Tetten 203 me non ei Sopun, ika e muut ngeni aramas mei kukkun seni 18 ier, seni pusin an mwochen ika weweiti, repwe katon ekkewe kachito mei annuk ngeni ekkewe sakkun nefongun aramas, epwe nomw non tettenin fichi kachitoun kapasingaw mei attaai annuk, iwe nupwen epwe tipis, epwe kanupus non ukukun esap nap seni onu maram, ika pakking won esap nap seni ipuku chana ika fen ir me ruoch."

Tetten 2. Poputan Pochokunan. Ei Nomopung epwe poputa pochokunan fansoun chok an a kopungunno me ren ewe Kepina non Chuuk, ika fansoun chok an a pusin winiti annuk, inamwo ika ewe Kepina esemwo chiwen apunganno.

Annetata: 
Dafasy Alber
Legislative Clerk/Secretary

Sain seni: 
Koichi Sana, Speaker
Truk District Legislature

Pwinin maram: 7/29/76

A kopungunno seni: 
Mitaro S. Danis
District Administrator, Truk

71

Pwinin maram: 8/18/76